

Dilanda banjir lumpur setiap tahun

Penduduk Kampung Tengah Tambahan MRR2 dah tak tahan, gesa aktiviti buang sampah haram diambil tindakan

■ NORAFIZA JAAFAR

GOMBAK - Aktiviti pembuangan sampah dan tanah di pinggir lebuh raya lingkaran tengah 2 (MRR2) sejak beberapa tahun lalu telah menjejaskan penduduk berhampirannya.

Wakil Penduduk Kampung Tengah Tambahan MRR2, Mairi Ahmad berkata, penduduk kampung hadapi banjir lumpur berulang dan pencemaran udara berikutan jarak aktiviti dengan kediaman hanya beberapa meter.

Menurutnya, penduduk kampung mendesak supaya pihak berwajib mengambil tindakan dan menghentikan aktiviti tersebut daripada berterusan bagi mengelakkan insiden tidak diingini berlaku.

"Pembuangan sampah binaan dan tanah di kawasan tinggi menyebabkan

kan kawasan kami terjejas. Anak sungai tertutup dan ada laluan air kini di bawah tanah pula.

"Kami risau kalau tanah jenis perendiran yang diusahakan ini mendap dan membahayakan kami. Aduan dah dibuat tapi penguatkuasaan yang tak konsisten menyebabkan aktiviti berhenti sementara, lepas tu sambung semula," katanya.

Katanya lagi, aktiviti tersebut juga dilihat semakin ketara dan membimbangkan.


"Dulu lori-lori ini guna laluan kampung, tapi lepas tu lalu MRR2. Tanah tersebut sebelum ini hutan tapi sekarang botak dan dipenuhi sampah.

"Penguat kuasa dan pihak berwajib disaran ambil tindakan tegas atau penduduk yang akan

bertindak sebab dah bosan dengan banjir lumpur



MOHD MANJA



Mairi (Kiri) menunjukkan tapak aktiviti pembuangan sampah haram dan tanah yang dilihat semakin meluas kebelakangan ini.



Kesan banjir yang berlaku sebelum ini.

berulang," katanya.

Seorang penduduk, Mohd Manja Anshari, 40, mempersoalkan mengapa aktiviti tersebut tidak diambil tindakan meskipun tahu ia dilakukan secara tidak sah.

"Dah nampak jelas aktiviti tu salah sampai jejas alam sekitar, tapi kenapa dibiarkan berlarutan sampai

tak terkawal.

"Setiap kali hujan, rumah jagaan anak yatim saya pasti terjejas sebab paling hampir dengan tapak tersebut. Malahan saya sendiri ada hantar surat aduan berhubung masalah itu tapi tak dilayan," katanya.

Sementara itu, Pengerusi JKKK Kampung Tengah, Edrus Mohd Yusof



EDRUS

berkata, dijangka Isnin ini pegawai dari pejabat tanah akan membuat laporan masalah dan akan memanggil pihak terlibat untuk perbincangan.

"Setakat ini dua daripada tiga pemilik tanah telah dikesan, sementara satu lagi sedang dikenal pasti untuk maklumkan kesalahan penyalahgunaan tanah tersebut.

"Sebelum ini juga penguatkuasaan telah diambil kepada pemandu lori yang dikesan membuang sisa binaan tanah melalui kompaun dan juga penutupan laluan utamanya namun aktiviti masih berterusan," katanya.



Pembuangan sampah binaan dan tanah di kawasan tanah tinggi yang menjejaskan kampung.